

Na osnovu člana 12. stav (3) tačka g) alineja 3) Zakona o lokalnoj samoupravi USK-a („Službeni glasnik Unsko-sanskog kantona“, broj 8/11) i člana 132. tačka a) Poslovnika Gradskog vijeća Bihać („Službeni glasnik Grada Bihaća“, broj 3/16 i 4/20), Gradsko vijeće Bihać na 14. sjednici, održanoj dana \_\_\_\_\_, donijelo je:

## Z A K L J U Č K E

1. Obavezuje se resorna Služba da svim upraviteljima zgrada izda nalog – rješenje, kojim se nalaže obaveza obezbjeđenja posuda za odlaganje komunalnog otpada, tj. metalnih kontejnera zapremine 1 100 litara u skladu sa obavezama proisteklim iz člana 22. tačka 2), a u vezi sa članom 20. Odluke o načinu postupanja sa komunalnim otpadom na području grada Bihaća.
2. Traži se od resorne Službe za strateško planiranje, upravljanje projektima, komunalne djelatnosti, vode i zaštitu okoliša da pripremi novi ažurirani spisak svih divljih deponija (nelegalnih odlagališta smeća) na području Grada Bihaća, odnosno da sačini procjenu troškova sanacije divljih deponija, o čemu će Gradskom vijeću dostaviti informaciju u roku od 2 mjeseca.
3. Gradsko vijeće traži od JU „Zavod za prostorno uređenje“ Bihać i JKP „Komrad“ d.o.o. Bihać da kontinuirano poveća intenzitet aktivnosti na održavanju javne higijene, čišćenja javnih površina, košenje travnjaka, uređenje zelenih površina, oblikovanje i njegu ukrasnog cvijeća, dekorativno obrezivanje odnosno intenziviranje svih aktivnosti koje su obuhvaćene zajedničkom komunalnom potrošnjom na koje je Gradsko vijeće Zaključkom dalo saglasnost za povećanje cijena usluga u tekućoj godini, a što je dodatno opteretilo budžet Grada na godišnjem nivou za oko 200.000,00 KM.
4. Zadužuje se resorna Služba za inspekcijske poslove da u skladu sa članom 58. stav (2) tačka c) Odluke o komunalnom redu naloži održavanje zelenih površina etažnim vlasnicima ili korisnicima poslovnih prostora u zgradama kolektivnog stanovanja, odnosno javnim preduzećima i javnim ustanovama na zemljištu koje služi za redovnu upotrebu objekta ili na pripadajućoj građevinskoj parceli.
5. Gradsko vijeće Bihać traži od Službe za inspekcijske poslove i Službe za urbanističko planiranje, građenje, imovinsko - pravne i geodetske poslove da sačini popis svih bespravno izgrađenih objekata uz obale rijeke Une koji će u vidu informacije dostaviti

Gradskom vijeću, odnosno da u skladu sa ovlaštenjima koja proizlaze iz odredaba Zakona o inspekciji poduzmu aktivnosti kako bi se omogućilo korištenje vodnog dobra iz člana 7. stav (1) tačka 3) Zakona o vodama.

6. Obavezuju se resorne, Služba za strateško planiranje, upravljanje projektima, komunalne djelatnosti, vode i zaštitu okoliša, Služba za urbanističko planiranje, građenje, imovinsko-pravne i geodetske poslove, te JKP „Komrad“ d.o.o. Bihać da u roku od 3 mjeseca izvrše određivanje posebne lokacije za odlaganje građevinskog otpada u skladu sa Odlukom o načinu postupanja komunalnim otpadom, odnosno da Služba za inspekcijske poslove intenzivira aktivnosti na suzbijanju pojave nepropisnog odlaganja građevinskog i drugog otpada, te iskopa rupa na privatnim površinama koje narušavaju generalni imidž grada.
7. Gradsko vijeće traži od Službe za strateško planiranje, upravljanje projektima, komunalne djelatnosti, vode i zaštitu okoliša da u roku od 4 mjeseca donese i osigura provođenje četverogodišnjeg plana sa mjerama za povećanje energetske efikasnosti objekata kolektivnog stanovanja, a čiji je cilj da se u konačnici potpuno zabrani korištenje i deponovanje drvnog ogrijeva na javnim površinama u zonama kolektivnog stanovanja.
8. Obavezuju se Služba za strateško planiranje, upravljanje projektima, komunalne djelatnosti, vode i zaštitu okoliša, te JKP „Komrad“ d.o.o. Bihać da u roku od 3 mjeseca poduzmu aktivnosti na određivanju lokacije za zbrinjavanje otpada animalnog porijekla odnosno da Služba za inspekcijske poslove kontinuirano vrši inspekcijski nadzor nad odlaganjem otpada animalnog porijekla.
9. Gradsko vijeće traži od resorne Službe za strateško planiranje, upravljanje projektima, komunalne djelatnosti, vode i zaštitu okoliša, te JKP „Komrad“ d.o.o. Bihać da poduzme aktivnosti na preispitivanju Odluke o komunalnom redu, Odluke o načinu prikupljanja i odvoza kabastog otpada, odnosno da u roku od 6 mjeseci poduzme aktivnosti na donošenju Plana upravljanja otpadom za period od 5 godina.
10. Traži se od resorne Službe za strateško planiranje, upravljanje projektima, komunalne djelatnosti, vode i zaštitu okoliša, Službe za inspekcijske poslove, JU „Zavod za prostorno uređenje“ Bihać, te JKP „Komrad“ da poduzmu aktivnosti, svako iz svojih nadležnosti, na uređivanju vizuelnog izgleda ulice Hadžiabdića mahala odnosno uređivanje drveća u Aleji na način da se izvrši analiza, detaljno obrezivanje grana i grančica (sanitarna rezidba drveća), podmlađivanje i oblikovanje drveća, a posebno pažnju posvetiti bolesnom drveću.

Obavezuje se Služba za urbanističko planiranje, građenje, imovinsko-pravne i geodetske poslove da u roku od 8 (osam) dana od dana usvajanja ovih zaključaka, Gradskom vijeću dostavi informaciju koja se odnosi na status vlasništva na Gradskoj pijaci u ulici Hadžiabdića mahala.

11. Obavezuje se resorna Služba za urbanističko planiranje, građenje, imovinsko-pravne i geodetske poslove da od upravitelja zgrada zatraži, da u roku od 2 mjeseca sačini registar objekata u Gradu Bihaću u koje su u fasadne odnosno krovne elemente ugrađeni azbestni materijali, te da u skladu sa izrađenim registrom izradi akcioni plan za uklanjanje azbestnih materijala u cilju zaštite zdravlja stanovnika.
12. Gradsko vijeće Bihać traži od resornih službi odnosno javnih ustanova i javnih preduzeća da u saradnji sa Turističkom zajednicom Grada Bihaća, Nacionalnim parkom „Una“, Udruženjem građana „Unski smaragdi“ i drugim udruženjima i nevladinim organizacijama kontinuirano provode kampanje u cilju promicinja ekološke svijesti građana o značaju higijene, a time i zaštite prirode i cjelokupne čovjekove okoline.

Predsjedavajući Gradskog vijeća  
Zulfikar Handukić

Gradsko vijeće

Broj: \_\_\_\_\_

Bihać, \_\_\_\_\_